

आकाशवाणी

- प्रधानमंत्री नरेन्द्र मोदी होर UP International Trade Show दा उदघाटन करगंन। ओह राजस्थान च इक करोड़ 22 लकख रपे दी परियोजनां दा शुरुआत करगंन।
- प्रधानमंत्री नरेन्द्र मोदी होर अज्ज संजा भारत मंडपम इंडिया- 2025 दा उदघाटन करगंन।
- केन्द्रीय मंत्रीमंड नै केन्द्र प्रायोजित योजना दे त्रिए गेइ गी मंजूरी दिती। एहदे तैहत 5 हजार 23 MBBS सीटां ते 5 हजार PG सीटें च बाददा होग।
- केन्द्रीय माध्यमिक शिक्षा बोर्ड नै अगले बरे होने आली 10मीं ते 12मीं जमात दे बोर्ड दे इम्तेहान लेई आरजी तौरा पर डेटशीट जारी कीती।
- गृहमंत्रालय दा आखना ऐ जे केन्द्र 6मीं अनुसूचि ते राज्य दे तौरा पर लेह-करगिल लोकतांत्रिक गठबंधन कन्नै जुड़े दा ऐ।
- भारत नै दुबई च खेइडे गेदे मैच च बंगलादेश गी 41 रनजे कन्नै हराइयै एशिया कप 2025 दे फाईनल च पुज्जी गेआ ऐ।

<><><><><><>

PM-UP - Rajasthan Visit

प्रधानमंत्री नरेन्द्र मोदी अज्ज उत्तर-प्रदेश ते राजस्थान दा दौरा करगंन। ओह ग्रेटर नोएडा च उत्तर-प्रदेश अंतराष्ट्रीय बपार शो-2025 दा उदघाटन करगंन ते इस मौके पर इक सभा गी बी सम्बोधत करगंन। एहदे च राज्य दी बकख-बकख शिल्प परम्पराएं, आधुनिक उद्योगें, मजबूत MSME ते उब्भरदे उद्यमियें गी इक गै मंच पर उजागर कीता जाग। मुख्य क्षेत्रें च जिंदा प्रतिनिधित्व कीता जाग, उन्दे च दस्तकारी, कपड़ा, चमड़े, खेतीबाड़ी, खाद्य प्रसंस्करण, IT इलैक्ट्रानिक्स ते आयुष ते होर शामिल न। एहदे इलावा इक छत हेठ उत्तर-प्रदेश दी समृद्ध कला, संस्कृति ते व्यंजन बी पेश कीते जागंन।

एह बपार-शो इस महीने दी 29 तरीक तग्गर होग, मगरा प्रधानमंत्री राजस्थान दा दौरा करगंन ते इक लक्ख 22 हजार सौ करोड़ रुपें दी मती सारी विकास परियोजनां दा नींह पत्थर रक्खगंन ते केंइयें दा उदघाटन बी करगंन। ओह बांसवाड़ा च इक सार्वजनिक समारोह गी बी सम्बोधित करगंन। मोदी होर पी.एम. कुसुम लाभार्थियें कन्नै बी गल्लबात करगंन। सब्भनै लेई सस्ती, भरोसेमंद ते टिकाऊ बिजली आपूर्ति गी यकीनी बनाने लेई भारत दे बिजली क्षेत्र गी बदलने दे अपने धेइये दे मताबक प्रधानमंत्री होर तकरीबन 42 हजार करोड़ रुपे दी अनुशक्ति विद्या निगम लिमिटेड माही बांसवाड़ा राजस्थान परमाणु ऊर्जा परियोजना दी बुनियाद रखगंन। प्रधानमंत्री होर राजस्थान च तकरीबन 19 हजार 210 करोड़ रुपें दी हरित ऊर्जा परियोजनाएं दा उदघाटन करने दे कन्नै-कन्नै बुनियाद रक्खने दा कम्म बी करगंन। ओह फलोदी जैसलमेर, जालौर ते सीकर ते होरनें थाहरें पर सौर प्रोजैक्टें दा उदघाटन करगंन।

<><><><><><>

PM-World Food India

प्रधानमंत्री नरेन्द्र मोदी होर अज्ज संजा नर्मी दिल्ली दे भारत मंडपम च World Food India - 2025 दा उदघाटन करगंन। 4 दिन दे इस कार्यक्रम कन्नै खाने-पीने आहली चीजें गी डब्बा बंद करने, खाद्य स्थिरता ते सत्तधार ते जैविक खाद्य उत्पादन च भारत दी क्षमताएं गी प्रदर्शित कीता जाग। इस वैश्विक सम्मेलन च 21 मुख्खें ते 21 राज्य ते केन्द्र शासित प्रदेश ते 10 केन्द्रीय मंत्रालय हिस्सा लै रदे न।

<><><><><><>

Cabinet MBBS Seat

प्रधानमंत्री नरेन्द्र मोदी हुंदी अध्यक्षता च केन्द्रीय मंत्रीमंडल नै केन्द्र प्रयोजित योजना दे त्रिए गेइ गी मंजूरी दिती ऐ।

इसदे तैहत अगले त्रंऊ बरे च मौजूदा सरकारी मैडिकल कालर्जे ते संस्थानें च 5 हजार 26 MBBS सीटें ते 5 हजार PG Seats बदाने दा फैसला लैता ऐ, जिसदी लागत 15 हजार 34 करोड़ रपे होग। इसदे कन्नै Undergraduate मैडिकल समर्थ च बाददा होग। माहिर डाक्टरें दी गिनतरी च बी बाददा होग। इसदे इलावा सरकारी चिकित्सा संस्थानें च नमें माहिराना कम्म शुरु करने च मदद थोग। इसदे कन्नै मुल्खै च डाक्टरें दी कुल गिनतरी च बी इजाफा होग।

<><><><><><>

CBSE –Tentative Date Sheet

केन्द्रीय माध्यमिक शिक्षा बोर्ड CBSE नै अगले बरे होने आहले 10मीं ते 12मीं जमात दे इम्तेहानें दी संभावित तरीक दी घोषणा करी दिती ऐ। बोर्ड मुजब अगले बरे 17 फरवरी थवां 15 जुलाई बश्कार एह इम्तेहान आयोजित कीते जागंन। CBSE नै आखेया ऐ जे एह तरीक अस्थायी ऐ ते स्कूलें आसेया मेदवारें दी खीरी सूचि जमा कराने मगरा तरीकें गी मुकदा रुप दिता जाग। भारत च 204 विशें ते विदेशें च 26 मुल्खें च लगभग 45 लक्ख छात्रें दे इन् इम्तेहानें च शामिल होने दी मेद ऐ। एह पैहली बारी ऐ कक्षा 10मीं दी बोर्ड परीक्षा इक शैक्षणिक सत्र च 2 बारी आयोजित कीते जाग।

<><><><><><>

MHA Apex Body Leh

गृह मंत्रालय नै आखेया ऐ जे लद्दाख लेई 6मीं अनुसूचि ते राज्य बनाने कन्नै जुड़े दी सोनम बांगचुक दी मंग पर केन्द्र सरकार एपैक्स बॉडी लेह ते करगिल डैमोक्रेटिक एलायंस कन्नै सरगर्मी कन्नै जुड़े दा ऐ। गृहमंत्रालय नै आखेया ऐ जे उच्च शक्ति आली कमेटी (HPC) दे औपचारिक चैनल दे कन्नै गै उपसमीति दे नेताएं कन्नै मती अनौपचारिक बैठकें दे राए उंदे कन्नै सिलसिलेबार बैठकें दा आयोजन कीता गया।

इस च आखेया गया ऐ जे इस तंत्र दे राएं गल्लबात दी प्रक्रिया च लद्दाख अनूसूचित कबीले लेई आरक्षण गी 45 फीसद थमां 84 फीसद तगर बधाइयें अभूतपूर्व नतीजे सामने आये न।

<><><><><><>

ACC

मंत्रिमंडल दी नियुक्ति समीति नै जनरल अनिल चौहन हुंदी चीफ ऑफ डिफेंस स्टॉफ (CDS) दे तौरा पर सेवां बधाने गी मंजूरी दिती ऐ, जेड़े भारत सरकार दे फौज सरबन्धी मामले दे मेहकमे दे सचिव दे तौरा पर बी 30 मई 2026 तगर जा होर अगड़े हुकम तग्गर कम्म करगंन। जनरल चौहान होरें गी 28 सितम्बर 2022 गी CDS दे तौरा पर नियुक्त कीता गया हा। भारतीय सेना च उंदी शानदार सेवाएं लेई उनेंगी परम विशिष्ठ सेवा मैडल, उत्तम युद्ध सेवा मैडल, अति विशिष्ठ सेवा मैडल, सेना मैडल ते वरिष्ठ सेवा मैडल कन्ने सम्मानित कीता गया ऐ।

<><><><><><>

Kolkata Death Toll

कोलकाता ते एहदे आले-दोआले दे इलाकें च बरखा कन्ने जुड़ी दी घटनाएं च मारे गेदे लोकें दी गिनतरी 11 होई गई ऐ। कोलकाता दे मते सारे इलाकें च पानी दा स्तर झिगड़ा आया ऐ, पर किश होर इलाकें बी हैन जेड़े पानी दी मार झल्ला रदे न। बस ते मेट्रो सेवा सामान्य तौरा पर चला रदियां न। मुखमंत्री ममता बनर्जी होरें मारे गेदे लोकें दे सगे-सरबन्धियें गी 2 लक्ख रुपें दी सिंधी सहायता देने दी घोषणा कीती ऐ।

<><><><><><>

ICC US Suspension

अंतराष्ट्रीय क्रिकेट परिषद नै अमरीका दे क्रिकेट बोर्ड दी सदस्यता निलंबित करी दिती ऐ। अमरीकी क्रिकेट दे ICC सदस्य दे तौर पर अपनी जिम्मेदारियें दा बार-बार ते लगातार उल्लंघन करने दे मगरा एह फैसला लैता गया ऐ। इक ब्यानै च ICC नै आखेया ऐ जे निलंबन इक मंदे भागे आहली गल्ल ऐ पर खेड्डें च लम्मी अवधि आहले हितें दी राखी आस्तै एह गें जरुरी ऐ।

<><><><><><>

Asia Cup Cricket

क्रिकेट च भारत नै कल दुबई अंतराष्ट्रीय क्रिकेट स्टेडियम च सुपर-4 च बंगलादेश गी 41 रनजे कन्नै हराइयै एशिया कप-2025 दे फाईनल लेई थाहर बनाई लैती ऐ। पैहले बल्लेबाजी करदे होई भारत दी टीम नै 20 ओवरें च 6 विकेटें दे नुकसान पर 168 रनज बनाए जेदे च अभिषिक शर्मा हौरें महज 37 गेदें च 75 ते अंतिम च हार्दिक पांडेया नै 38 रनजे दे पारी खेड्डी।

<><><><><><>